



ARUBAANSE COURANT

DIARIO ARUBANO

REDACCION Y SUBSCRIPCION TEL: 2116
MANAGEMENT Y ANUNCIO TEL: 1116
MANAGER: E. WOUTERS

DIAMARS 14 DI SEPTEMBER 1965.

EDITA PA: ARUBAANSE DRUKKERIJ, UITGEVERS
& PUBLICITEITS MIJ N.V.
IMPRIMI PA: DRUKKERIJ "DE STAD"

PAKISTAN A DESTROI TERCER PARTI DI PODERIO BLINDA INDIO

KARACHI--UPI--Pakistan a anuncia awe un victoria importantissima riba trupanen di India, informando cu su ehercito y Forsa Aerea a destrui tercer parti di poderio di divisionnan india blinda durante un batalla fuerte cu tankinan den e zona di Sialkot.

Un comunicado oficial, cu a ser transmiti pa radio Pakistan for di Karachi a indica su solda, tanki artilleria y avionnan a uni nan forsan pa "destrui" un division mecanica na India y dos division di infanteria, den un lucha cu a tuma lugar diasabra y ayera na mas o menos 80

kilometer na norte di Lahore, na Pakistan occidental.

Pakistan a afirma cu India a perde mitar di su efectivonan na tankinan, for di dia cu e guerra no declara a cuminsa entre ambospe estado di Cachemira. Pa su parti, India a anuncia un victoria den un gran batalla di tankinan qu a tuma lugar den e region di Lahore-Sialkot.

Radio Pakistan a aña di India a usa su poderio blinda fuerte tratando di kibra e lineanan pakistana, pero cu nan a tropeza den e intento cu un division fuerte.

Infanteria di India cu ta combati cu apoyo di Forsa di tankinan a retira pe ataquenan di avionnan

27 MARINERO A DUNA SANGER

MONTEVIDEO -- UPI -- 27 marinero italiano cu a yega Montevideo a bordo di un flotilla di barcunan di guerra, a duna sanger.

E gesto, cu a ser destaca pa prensa local, a responde riba un solicitud di sanger cu a ser haci pa e mucha muhe Zulma Alvarez, di siete aña, cu mester ser opera di curazon.

Enterá di e pedido, 27 di e marinonan cu ta bishita e capital aki, a concurre na e hospital di clinicas na unda e mucha ta interna, dunando nan sanger pa e difícil intervencion quirurgica.

INDIVIDUONAN ARMA A ATACA CONCEPCION

CARACAS -- UPI -- Informenan ricibi na Caracas awe mainta ta bisa cu 20 individuo arma a ataca e poblacion di Concepcion, den estado di Portuguesa, na oeste di e pais. Nan ta agrega cu gobernador Oscar Bustillos Casal "tabatin entendi" cu e banda a secuestra e alcalde y un agente di polis local.

Sin embargo, Bustillos no a confirma e secuestro.

Tanto e estado aludi como esnan di Lara, Falcon y Trujillo, for di hopi tempu caba ta sufi e azote di guerrillanan perteneciente na Fuerzan Armada di Liberacion Nacional (FALN, un organizacion terrorista Castrista-Comunista.

Ta ser pensa cu den e caso aki e ataque a proveni di FALN,

di pakistan, segun e comunicado a sigui bisa.

FATUM

Pa tur bo aseguran
Tel.1845

Nan no a duna cifranan concreto riba e cantidad di tankinan cu a ser destrui, pero den informenan anterior procedente di Karachi nan a indica cu e total di tankinan indio cu a perde den e batalla ta yega 81.

E comunicado oficial ta indica cu e trupanen pakistana a obliga trupanen india retrocede den casi tur e sectornan di e frente di Pakistan occidental, señalando cu su trupanen a sufi masha poco danjo y morto.

E batalla di tankinan tabatin como centro e localidad di Chambur,

Sandburg ta recuperando

HENDERSONVILLE--UPI--E poeta norteamericano Carl Sandburg ta recuperando di un inflamacion abdominal.

Sandburg di 87 aña di edad y ganador di premio Pulitzer, a keda interna den hospital diablerne. Su estado no ta serio.

Funcionarianan di e hospital a bisa cu Sandburg por regresa na su granja di Flat Rock aki dos siman.

di acuerdo cu e comunicado pakistano, mas o menos 32 kilometer na sudeste di Sialkot. Otro despachonan a indica cu India tabata usa tankinan Centurion y Sherman.

Pakistan tambe a reclama toma di varios puestonan indio, cinco kilometer den territorio di India, banda di Khemkaran, den estado Punjab.

Transmision di pakistan no a duna detayenan tocante actividad militar ne parti di Cachemira cu ta den poder di India.

Un portavoz pakistano a indica cu su avionnan mitralia concentracionnan di trupanen y vehiculonan den e batalla mas duru cu a ser libra te ainda, refiriendo ne lucha di tankinan na Sialkot.

Al parecer, indionan a ataca den direccion di e gran base militar instala den cercania di Sialkot. Sialkot ta situa na mas o menos 10 kilometer di e frontera di Cachemira, den e zona na unda India a lanza su promer ataque dia seis di september.

Hefenan di estadonan arabe lo conferencia den Cumbre

CASA BLANCA (Maruecos) -- UPI -- Diesdos hefe di estado arabe awe a inicia aki un conferencia den e cumbre cu quizas ta resulta decisiva pa futuro di e liga arabe.

Entre e temanan di trate den e reunion ta figura e conflicto di India y Pakistan en torno di Cachemira, e tendencianan cu ta pidi reforma di e liga di 20 aña di existencia, e confrontacion na Palestina cu Israel.

Den fuentenan autorizá a ser bisa cu e delegacion di Argelia den e conferencia arabe den cumbre lo presenta un propuesta pa e participantenan dirigi un comunicacion na India y Pakistan, instandonan pa pone fin na nan actual, encuentro armá.

Tunez ta e unico nacion arabe cu ta bolcotea e conferencia. E

presidente tunecino, Habib Bourgiba, tin programa pa awe un transmision especial pa radio den cual e ta expone razonnan den cual e ta fundamenta su actitud.

Den fuentenan informa a ser bisa cu e discurso di Bourgiba lo bin ser un "buki blancu" riba e relacionnan turbulenta entre Tunez y demas paisnan arabe. E texto di e mensahe di Bourgiba lo ta distribui personalmente na e hefenan di estado arabe asistente na e conferencia.

Generalmente ta ser pensa cu Bourgiba a dicidi di no asisti debido na e discrepancianan aguda cu e ta mantene cu presidente di Republica Arabe Unida (RAU) Gamal Abdel Nasser, riba e cuestionnan arabe, en particular esun di con trata cu Israel.

BEBE.



Nunca E ta Varia



Diablerne mainta e promer bus marca "Toyota" a yega Aruba. E bus aki a worde encarga pa "De Palm Tours & Sightseeing," e empresa cu ta organiza paseonan rond Aruba pa e turistanan. Ta vale la pena haci mencion di e bus aki como cu e ta unico den e comodidadnan cu e ta ofrece. Binti-un persona por sinta comodamente den e bus cu ta equipa c' un radio di perfecto sonido. E bentananan di glas ta construi di tal forma cu nan habri completamente di manera cu e calor cu ta reina actualmente no ta un problema den e Toyota aki. E foto ta mustra nos srs. J. Schnog (na drechi di Garage Cordia), agente di autonan Toyota, y Hernandez di De Palm Tours na momento di entrega di e bus.

JONG ARUBA A SUFRI DERROTA CONTRA SPORTBOYS

(Di nos redactor deportivo)

Den Sportcentrum na Noord e onena di Sportboys a propina esun di Jong Aruba un derrota cu no a laga duda algun. Cu score di 5 pa 2 Sportboys merecidamente tabata e ganador mustando asina cu si ta verdad cu ta difícil pa gana Jong Aruba den Sportcentrum Noord, en todo caso no ta imposibel. Den circulanon di futbol semper ta ser acepta cu riba e tereno di Sportcentrum Noord ta sumamente difícil pa gana di e equiponan di Jong Aruba y Buball. Dama Werleman den di 12 minuut di wega a percura pa e promer gol di Sportboys poniendo e equipo aki adilanti.

For di un penalty shete minuut mas laat, cual penalty a worde cobra door di Armando Yarzagaray, Sportboys ta aumenta su ventaha na dos cero. Cu e score aki halftime a bai aden. Jong Aruba tahanan su promer gol 14 minuut despues di reanudacion di e partido. Esaki tabata mediante un penalty cobra door di presentacion Tromp.

FUNDADOR DI UNION MUTUALISTA BONERIANO A FALLECE

ORANJESTAD - For di Kralendijk, Bonaire, a jega e noticia tristo cu aya a fallece sr. Jan Alders, ex-presidente y a la vez fundador di e Sociedad Union Mutualista Bonaireano na Aruba. Diadomingo atardi bau di gran interes su entierro a tuma lugar na Bonaire. Na 1938 sr. Alders huntu cu sr. B. Albertus, R. Martes, A. Winklaar, E. Tokay, J. Goeloe y C. Thielman, tabata fundador di U.M.B. sr. Jan Alders e tempo ey a worde eligi como prome presidente.

CELEBRACION SOLEM DI FIESTA LA VIRGEN DI LA SALETTE

DAKOTA - E siman aki lo tuma lugar den iglesia Fatima na Dakota, e celebracion solem di fiesta di La Birgen di La Salette. Esaki segun un informacion di pastoor M. van Lankveld di e parokia di Dakota.

E celebracion ta cuminsa diarazon anochi venidero pa shet'or cu un rosario y litanía, canto y ceremonia. Tambe riba diahuebs y diablerne e celebracion solem lo tuma lugar. Diasabra mainta y atardi tin oportunidad pa confesa, mientras cu diadomingo, como conclusion di e celebracion, lo tin pa och'or di mainta un sacrificio di misa especial cu flor y be-la.

Diarazon venidero e celebracion solem na honor di La Virgen del Valle lo tuma lugar tambe cu un sacrificio di misa.

GRUNDIG

WIMCO-ARUBA

Pa motibonan di no tinea oportunidad di tuma despedida personalmente, pa medio di esaki nos ta jama tur amigos

y conocirnan cordialmente ayol

Sra. Naloop (partera y su jiu muhé,
Bernhardstraat 77, S.N.

14 di Sept. 1965.

Pero Sportboys no ta laga e diferencia na minimo pa largorato seis minuut mas laat Michael Yarzagaray ta pone un shot cu keeper Mariano Tromp di Jong Aruba no por a taha y e score a bira 3-1.

Mustando su espirito di combate di semper Jong Aruba no ta keda desanima y apenas ta transcurri tres minuut y nan ta logra un gol mas. Esaki a worde anota door di Urbao Perez.

Den e parti di wega golnan ta cayendo meskos cu pa nada. Cu e sake mesora Sportboys ta anota

su di cuater. Doel Geerman a percura pa esun aki.

Cu un penalty ainda anota door di Armando Yarzagaray, Sportboys ta aumenta su ventaha te na 5-2. Cu e score aki na favor di Sportboys e wega a yega na un fin. En realidad tabata un score final sorpresivo cu poco lo por a tribi di pronostica.

Cu e resultado aki e dos teamnan tin ambos un gana, un tabla y dos perdi. Awe noch den Wilhelminastadion e campeonato di hoofdklasse ta continua cu e wega entre Estrella y San Nicolas Jrs, equiponan cu tin respectivamente dos gana un tabla un perdi. E muchanan di Sta. Cruz ta in-

victo ainda y si awe noch e muchanan di San Nicolas lo por logra duna nan e promer derrota, wel, esaki ta algo cu ta te awe noch lo por ser constat.

(Di nos redactor deportivo)

Un total di cinco wega di e actual campeonato di volleyball a ser hunga diadomingo den dia. Di e division di Cabayeros clase B Brazil a obtene triunfo di dos pa uno ariba St. Jans Knapen. Promer gana tabata di Brazil 15-5, pero ganando e segundo 15-7, e Knapennan a empata e encuentro.

E tercer y decisivo set a termina 15-8 pa Brazil.

E equipo masculino clase A di Brazil tabata tin un wega mas facil contra di Estrella ganando den dos game sigi, cualnan tabatin score di 15-7, 15-8.

Otro wega di Cabayeros clase A tabata entre Rapid y La Fama. Por cierto esaki a resulta e mihor wega di e dia, Rapid a perde e promer game 9-15, luego a gana e di dos 15-11 pa empata e match. E tercer a termina 15-12 den favor di La Fama dunando nan pues e triunfo di dos pa uno.

Di e division femenina Volleystars Pink a gana di Vallant den tres game. Pink a gana promer game 14-9, perde e siguiente 6-15 y luego gana e tercer 15-7 pa hiba e match na dos pa uno.

Tambe di clase B e equiponan femenino di Tivoli y Oasis Flyers a enfrenta otro.

Cu hopi facilidad, den dos game sigi cu score di 15-12 y 15-3 Oasis Flyers a resulta e vencedornan.

Scucha tur DIARAZON di 2.00 pa 2.15 p.m.
via RADIO ANTILLANA

CHARLA MEDICO A CARGO DI

DR. C.G. HURTADO

Radio Antillana 775 Kc - 388 m. Aruba.

CANA RIBA CUSINCHI!

Algo Nobo!

Un maravilla di
comodidad pa bo pia.



Haci bo zapatonan
flexible!

1. E ta alivia e doló di cayo

2. Lagabo cana mas elástico.

3. E ta alivia hilechi doló y pianan
sensible.

Ora cu tempo ta calor, nan ta frescoy
si ta haci frieu, nan ta cayente!

Asina cu bo hinca Dr. Scholl's Air
Pillo den bo sapato, bo ta sinti un sen-
sacion agradable di un paso flexible.
Traha di Latex-Foam, di calidad nunca
visto!

POROSO - LAVABLE - SIN HOLO

Obtenibel den tur tamanjo pa damas y caballeros.

Prijs di venta fijá fls. 1,35

**Dr. Scholl's
AIR-PILLO INSOLES**

LECHI PET

E lechi for di e mihor bacanan di Hulanda y

**Carnation
Chocolate Milk**



cu su sabor di chuculati

puro... ta sigi ricibi pre-

cioso regalonan nobo pa

cambia.



Cu solamente 24 etiketa grandi of 48 chikitobo ta hanja
bunita koppi cu scotter, canica pa lechi, contenedor pa
sucú, scaalchi, tajó hundo y plat, tur di material cu ta
resisti calor. Cambia bo etiketanan na:

POSNER'S AGENCIES



Reddy Kilowatt
The Mighty Atom



Tel. 2170



Nos Bida Social

Un taluroso felicitacion di cum-
pleanjos ta bai pa e hobencito
Miguel Jacobito Everon di Papi-
lon 105, Sta. Cruz.

E ta ricibi felicitacion di su ma-
ma y tata, di su cuatro ruman-
nan y di su primo y primanan.

A NACE:

Sept. 4: Joan, yiu muher di Jan

Frederick van der Heljde y Cor-
ry Dercksen.

sept 4: Shirley Aurora, yiu muher
di Geronimo Valention Brete y
Helena Aurora Paesch.

sept 5: Emillano Esteban, yiu
homer di Luciano Otillo Tromp
y Clara Tromp.

sept 5: Ivelisse, yiu muher di



Manera ta e caso cu tur torneonan di piskamento, esaki tambe a
resulta yen di sorpresa pa e participantenan.

Pa mas o menos un cuarto pa ocho e linjanan a bai awa y ora cu pa
diez'or e encuentro a termina a resulta cu Hipolito Tromp tabata e
ganador cu un colebra di lamar c' un largura di mas di 1 meter.
E cantidad mas grandi di piska a worde captura pa Jules van der
Blezen, kende tabatin un bon anochi cu un total di 34 piska chikito.
E tercer premio a bai pa sra. Vilma Hoevertsz, di cuatro premio
pa Edgard Kelkboom, y di cinco premio pa sra. Hulleeta Quillotte.
Ademas tabatin tambe premionan di consuelo pa esnan cu tambe
a coge un o mas piska.

Despues di e piskamento e participantenan na e torneo a bai pa e
casita berde na Malmok, na unda e torneo a cambia pa un fiesta
ballable te den horanan laat di anochi.

Dia diecincin venidero lo tin finale di e competencia di hersengym-
nastiek, organiza pa Juventud Cristiaan via Radio Kelkboom. Den e
finale lo enfrenta otro Juventud Cristian y Conny Francis Teeners.
E otro participantenan tabata Union Cultural Noord y Jolly Teeners,
cu a cai afor despues di a perde algun partido.
E ganador di e competencia aki lo ricibi un copa, poni disponibel pa
"Werleman Brothers."

Diasabra anochi ultimo Juventud Cristiaan, un club pa hobennan, a
organiza un torneo di piskamento na cual Conny Francis Teeners di
Santa Cruz tambe tabata invita y a participa.
En total tabatin 75 persona cu riba e barrancanan di Malmok a sinta
cu hengel of linja den man pa competi pa e titulo di mihor piscador
di e grupo.

Carlos Antonio Sanchez y Catha-
rina Virginita Tromp.

sept 2: Mariela, yiu muher di
Alejo Kelly y Lucia Supriana
Semeleer.

aug 26: Waldo Astor, yiu homer
di Joseph Raymond Wilson y
Joicelyn Jochilus van Putten.

SALUDOS DI HULANDA

ORANJESTAD - E saludonan di
Antillanonan cu ta traha o studia
na Hulanda, cu e siman aki lo
worde pasa via Radio Kelkboom
y cu ta bau direccion di Stella
Priest, ta di e siguiente persona-
nan.

Stanley Heerenveen, Norman Ca-
tallina, Richard Martina, Oswin
Fraai, Franklin Pieter, Carlos
Correa, Francisco Franken, Car-
los Rosa, Carlos Janga, Floris
Jacobina y Bernardo Lampe.

E programa aki lo worde pasa
diasabra awor 18 di september via
Radio Kelkboom y lo worde ri-
piti diahuebs dia 23 di septem-
ber pa 2,30 di atardi.

ELECCIONNAN TA TERMINA AWE NA NORUEGA

OSLO--UPI--Awe e eleccionnan
di dos dia por caba cu por di-
cidi destino di gobiernu laboris-
ta na Noruega.

Observadornan ta bisa cu socia-

listanan por perde nan mayoria
parlamentaria na man di uncola-
cion opositor cu ta integra pa
cuater partido, y nan ta, Conser-
vador, Agrario (Centrista), Libe-
ral y Democra Cristian.

E partidonan menciona a anuncia
cu nan lo forma e coalicion si
por pa obtene un mayoria riba
partido di gobiernu, cu tin tres
decada den poder. E votacion
ta termina awe 1900 GMT.

SAIGON--UPI--Mas o menos 5.
00 solda di e promer division
aeromovil di Infanteria di eher-
cito di Merca a desembarca awe
den haaf Qui Nhon.

Entre tanto, prensa oficial sud-
vietnames a informa cu 435 miem-
bro di tribu disidente a reindi-
nan na forsanan di gobiernu den
provincia di Darlac.

Soldanan sudvietnames a acerca e
insurreccionan y a kita 440 arma
incluso mitralleur, motero y ba-
zooka for di nan.

LPGAS

Rápido, Higienico, Económico

Cambia

PA
GAS

**Pa más bentaha, semper mira pa
bo tin un cylinder di spare, y order
un nebo delantá.**

ARUBA GAS SUPPLY CO.

Tel. 1198 y 1898

3 CAMPEON ANTILLANO

1: E popularísimo sigario ANTILLANA ta brinda bo e
verdadero placer di un tabaco puro y agradable.

Un produto di nos terrotroha pa satisfice e gusta Antillano

Un productoproduci pa trahadarnan di nos propia pais.



2: Fresco monero e briso di onochi cu to trece alivio

despues di un dia caloroso. PALM BEACH Suavemente

mentolisa cu su filtro blanco ta refresco y duno satisfaccian.

Un sigaria di calidad.



3: CASINO, cu su filto di charcoal ta pruebo polpoble di cu nos industrio

locolta al dia cu e ultimo inventonan den fabricaon di sigaria.

Su rapido oceptocion po pueblo Antillano to demostra su alto calidad

y sabor moderno



TRES CAMPEON ANTILLANO

FABRICA PA:
ANTILLIAANSE SIGARETTENFABRIEK N.V.

COSNAN TA BAYENDO HOPI BON DEN CAPITAL DOMINICANA

SANTO DOMINGO --UPI-- Lentamente bida ta sigui recuperando su ritmo normal na e capital dominicana, despues di e grave crisis politica cu a menaza di desata un guerra civil prolongada na e pais.

Cientos di milicianonan ya desarmá, perteneciente na e fuerzan rebelde, ayera a sali cu rumbo pa provincianan di interior, contribuyendo na bai eliminando e ambiente belico na e ciudad.

E armanan entrega pa e milicianonan a ser debilbi ainda na e gobierno provisional di presidente Hector Garcia-Godoy, pa loke e fuerza interamericana di paz lo mantene vigilancia di e zona domina pa rebeldenan nientras e requisito aki no ser cumplí.

Ta ser pensa cu awe e tienda nan lo abri nan porta pa publico, pero banconan lo permanece, serra. E dos principal periodiconan di Santo Domingo tampoco lo por ser publica pasobra nan trahadornan ta pidi pago di salario atrasa pa henter e periodo cu e crisis a dura, y e propietarios ta aduci cu nan no tabatin ingreso den e tempo ey pa por satisfice tal demanda.

Hopi familia cu a muda ta volviendo nan hogar den e zona di

e rebeldenan. Sin embargo e orden cu e lider rebelde, coronel Francisco Caamaño Deño a mantene den e sector aki, no ta parece di ta consolida avor y pa su parti presidente Garcia-Godoy no a reafirma su control den e zona.

E gobierno provisional no a bisa ki ora lo e pone e cuerpo policial nobo especial cu lo encarga na mantene orden, den accion. E cuerpo lo ta forma pa dominicanonan procedente di polis nacional y militarnan rebelde

cu a haci funcionnan policial bajo orden di Caamaño.

E milicianonan a subi den omnibus, camionnan y caravanan automovilistica pa bolbe na nan hogar, en tanto cu e lidernan rebelde tabata suspende un mitin di despedida.

Presidente Garcia-Godoy a ordena e autoridadnan militar y polis pa respeta amnistia general, y pa permiti rebeldenan pa regresa nan hogar sin ser molestá. Su decreto a ser transmiti pa emisora di radio di gobierno.

SECRETARIO GENERAL THANT LO HASI ESCALA NA MOSCU

NUEVA DELHI--UPI--Secretario general di Nacionnan Uni, U Thant por hasi escala na Moscu ora cu e regresa sede di e Organizacion Mundial na New York, segun un fuente responsabel a bisa awe, ora cu su gestion conciliadora entre Pakistan y India a termina. E informante a señala cu Thant a bishita encargado di negoshinan sovietico, Alexei Rodinov pa discutí posibel escala na Moscu" pasobra esaki ta parse e ruta mas

conveniente ne momentonan aki. E promer ministro sovietico, Alexei N. Kosygin a ofrece pa actua como medllador entre India y Pakistan den su disputa en torno na Cachemira.

Entre tanto, India a informa di un serie di victoria den frente di batalla di Pakistan occidental, y un vocero oficial a bisa cu e trupanan india ta avanzando den tres sector di e frontera, rechazando e contraataquen pakistano.

Segun e ultimo informenan cu a yega Nueva Delhi, dos columna india ta dirigiendo pa Sialkot, for di oeste y sudeste, tratando di laga e lineanan di retaguardia di forsan pakistano aisla. India a bisa tambe cu nan a laga pafor di accion 52 tanki di Pakistan den e zona di Lahore, Sialkot, durante e ultimo 24 oranan.

Radio Pan India, vocero oficial di e pais, a comunica cu e lucha cu a tuma lugar entre divisionnan mecaniza tabata e mayor for di dia cu britaniconan y nazinan a bringa na norte di Africa cu tankinan, durante Segunda Guerra Mundial.

Pa otro parti, e mision di paz di

Thant ta parse di no tin exito den practica, ya cu e lucha ta


sigui entre e dos nacionnan di e antigua peninsula di Indostan. E secretario general a continua realizando conversacionnan cu e gobernantenan tratando di concerta un cesacion di hostilidadnan.

Thant a come y papia awe cu e promer ministro Lal Shastri y e minister di relacionnan exterior Swaran Singh. Cu e gobernantenan di Pakistan el a conferencia promer cu el a bini Nueva Delhi.

Ayera, Thant a bisa Shastri pa pone fin ne guerra bolbiendo trupanan india ne lugar cu nan tabata ocupa antes cu e hostilidadnan a cuminsa. Pero no tabatin indicacion di cu e promer ministro lo bai complace U Thant.



Un accion na primera base durante e partido Firestone-Verf Antillana diadomingo mainta den Wilhelmina Stadion. E corredor di Verf Antillana, a pesar di un esfuerzo grandi, no por a jega primera prome cu e bala a pega den guante di primera base Spanner di Firestone.



Tercera base Ray Violenus tabata e otro homber grandi di Verf Antillana diadomingo mainta durante e partido contra di Firestone. Aki por mira Violenus un rato promer cu el a conecta e di tres homerun contra pitcher Melvin Foe na Aruba. E homerun aki cu dos companjero na base tabata suficiente pa Verf Antillana derrota Amstel.



Diadomingo mainta den Wilhelmina Stadion, Prudencio "Shon Fi" Maduro, a duna Verf Antillana su promer triunfo den e promer campeonato Antillano di baseball, ora cu el a wanta Firestone, sub-campeon di Corsow, na apenas 1 hit durante nueve inning largo. E foto ta mustra pitcher Maduro despues di su gran hazanja, na caminda pa e vestuario di Verf Antillana, den compania di manager Ramon Hodge (na robez).

BASEBALL

CONTINUACION DI PAG 6.

Lucky Seven ta favorece e equipo bishitante Heinekens. Nan ta reduci e ventaha di e campeón nan di Corsow na 3-2. Bryan ta presenta cu bestial bataso pa dos base Freedom ta faya cu rolling den man di shortstop y e tremendo pitcher cu a hunga como infielder y outfielder ayera ta ricibi pasashi gratis pa primera Robles ta saca e segundo out cu rolling den man di pitcher y Chu Paulina ta duna e bishitantenan oportunidad di anota e dos carredanan, ora e comete error na tercera pa Bryan anota (3-1 Ramon Buckley cu pla malu ta drenta di emergente pa Haynes cu tabata hunga for di diasabra cu dede lesiona, mostrando amor pa su club, pero malu pa su mes. Error di segunda base Coco - L'Acosta ta produci un segundo carreda 3-2.

E inning ta cerra cu Vorst lantando popfly den man di catcher. Ponson ta bolbe empuha un carreda ora e conecta fly di sacrificio y esaki a resulta e

bataso ganador di e encuentro ya cu Chu Paulina ta anota e cuarto carreda.

E nobeno inning ta bira uno cu a pone e fanaticonan di e club di Sam Jacobs lanta para. Sam ta hanja cuater bola, Tross ta drenta di emergente pa Robles y ta conecta doblate, lastima cu Sam Jacobs no ta posee mas velocidad sino facilmente el a nota for di primera base. James ta drenta como pinch-runner pa Tross, Charles Ponson ta sali for di wega lagando dos homber na base y cu tur speranza di sali pitcher ganador, Jo Peters ta realisa un mal lansamentu, permitiend Jacobs pa anota for di tercera, Bambino Lake ta poncha, Hally ta bati pa fielders choice poniendo un fin na ewega. Ora cu James ta ser saca na home.

Numeritonan final: Heinekens: 3 carreda, 6 hit y 0 error, mihor bateador Bryan un blaha mas di 2-1 y e pitcher perdedor alaves tabata Simon Bryan.

Argo: 4 carreda, 7 hit y tres error, pitcher ganador Ch. Ponson y e mihor bateadornan a bira Jozef Martina y Sanin Daou cu dos hit den tres oportunidad cada uno.

"HOMBER ...! E

PREMIO A WORDE

AUMENTA CU FLS.1000.-

Y



Fecha di cerramento ta 30 september 1965
RON REY DE COPAS TA REGALA
5000.- florin atrobe!

Como cu e ultimo concurso di Rey de Copas manera custumber a resulta un exito asina grandi nos kier complace nos consumidornan un biaha mas cu e cinco rumannan den nos uitrina. Simplemente duna nan un bunita nomber y gana premios.

E premionan lo worde reparti segun e cantidad di personanan cu tin e mes nomber pa cada popchi cu a worde favoreci.



REGLANAN PA PARTICIPA DEN E CONCURSO:

Entrega 1 botter bashi di Rey de Copas di 1/2 gallon of 2 botter bashi di Ron Rey de Copas 3/4 liter of 4 botter bashi di Ron Rey de Copas di 24/2 of 8 botter bashi di Ron Rey Copas di 28/4 na Aruba Distilling Co., Wilhelminastraat No. 47 y bo ta hanja un formulario pa yena bo nomber y direccion y e nombrenan pa e cinco rumannan.
 Entrega e formulario aki yena na oficina di Aruba Distilling Co., Wilhelminastraat No. 47 y percura pa bo recibo, cu ta pega na e mes formulario, ricibi su stempel di entrega. Warda dia 30 di september y cobra bo placa si e nombrenan cu bo a duna ta e nombrenan favorece.
 E mes persona por yena cuantun formulario cu e ta desea, contal cu e entregá pa cada formulario e cantidad di botter bashi requerido.
 Si tin mas cu un beneficio, e premio ta ser parti den esnan cu tin e no nombrenan escogi. Exigi pa bo recibo tin un stempel di Aruba Distilling Co.

SEMPER E FAVORITO
REY DE COPAS
EL REY DEL TRAGO

NOTA:

Directiva di Aruba Distilling Co. ta e unico responsable pa scogemento di e nombrenan. E nombrenan aki lo no ser scoge pa suerte y si e nomber aki ta igual na cualkier nomber cu surgi pa algun acontecimiento, esaki ta debido na pura casualidad.

Rey de Copas

ARUBA DISTILLING CO. Wilhelminastraat 47

Tel. 1266



BLANQUEO DI SAM JACOBS HEINEKENS A GANA Y PERDE CONTRA ARGO

WILLEMSTAD, -- Fanaticonan di beisbol tabata busca desgracia pa nan bida, solamente pa mira Sam Jacobs e pitcher estrella di Heinekens y tambe cu a demostra di ta esun mihor di Antillas actualmente den accion. Den e caso aki e fanaticonan a subi casi den top di e masta mas pariba pa goza di e lansamentunan di e pitcher. E lanzador arubano no a laga e fanaticonan aki na caya ya cu el a tira un blanqueo di 7-0 contra e campeonn di Corsow, Santa Rosa Indians Argo.

Pa prome blaha Stadion a yena completamente den e ultimo anjan, den tur skina tabata tin hende ta ocupa un puesto y hasta mester a bende kaarchi na stand plaats pa e hendenan no keda sin presencia e lansamentunan di e pitcher estelar di Heinekens campeón di Aruba. Esaki a demostra claramente cu beisbol ta den su punto mas haltu. Un record a ser pone pa loke ta entrada pa un wega di beisbol di e tempunan aki. Den e wegan di play-off cu tabatin pa dila di equipo cu lo pasa pa clase AA, Ponce y Blue Hawks a laga un total bruto di 1700 florin y awor nos ta calcula cu e recaudacion di entrada mester a surpasa e total di 3000 florin.

Tur hende cu a hasi acto di presencia den Stadion diasabra anochi a mira un pitcher di estilo cu lansamentunan masha rapido y tambe curvanan di e pitcher Sam Jacobs cu tabata kibra masha rapido.

Argo a keda sorprende ora nan a enfrente e espectacular pitcher derecho Sam Jacobs aunke

solamente un doblete cu a bini di bate di e poderoso y temible Gaby Illidge, tercera base di Heinekens, quende a ricibi tambe hopi aplauso pa e estilo perfecto cu e tin riba terreno. Tur blaha cu un rolling presenta den su di reccion ya e announcer ta canta out por regla ya cu Gaby ta tur su tempu pa despues manda un rifle di tiru primera pa saca e bateador adversario na base inicial.

Den e mesun inning Santa Rosa Argo ta menasa un poco poniendo corredor na tercer y segunda cu un out, pero e siguiente bateador ta bati pa doubleplay.

E segundo inning ta bira via rapido pa Heinekens, mientras Argo ta bolbe menasa poniendo hombernan tercera mediante un base por bola un hit y sacrificio. Pero Sam Jacobs ta usa su tactica di Pitcher y ta poncha Chirino y Peters.

Inning number tres ta bira esun di victoria pa e equipo Campeon di Aruba. Dos carreda ta ser anota y esaki tabata suficiente pa

No ta bin cambio den e anotacion sino te den quinto inning ora cu Heinekens aumenta nan ventaha na 4-0.

E propio Ellis di e tercer inning ta conecta di hit y ta yega segunda cu stolen base, Gaby Illidge ta faya cu rolling di segunda pa primera, pero e potente Simon Bryan ta presenta cu un triple den rightcenterfield empujando Ellis pa e cuarto carreda.

Ningun di e dos equiponan ta yega na mas carreda sino te den octavo.

Den septimo Jozef Martina ta demostra su capacidatnan como centerfielder y ta ricibi un aplauso espontaneo di e publico enorme cu tabata presenta, ora cu den gran forma e captura batasonan hopi atras di Gaby Illidge y Ellis.



Un di e lansamentunan di Sam Jacobs a ser capta pa camara di nos fotografo den aire.

Den e prome parti di octavo inning, Ramon Buckley ta presenta na plato riba man zurdo y ta conecta un tremendo homerundi over di waya den rightfield pa hasi e anotacion 5-0.

Den nobeno inning ta bini un equivocacion di e huez di liña den leftfield.

Gaby Illidge ta alcanza primera riba cuater bola, Simon Bryan ta conecta un bataso cu ta descontrola e umpire di liña completo. E fielder ta captura e bola pero esaki ta cai bek pero den territorio di homerun y e umpire ta canta pa doble di manera cu un homerun a ser kita for di Bryan no intensional. Freedom ta sigi cu bataso pa error di segunda base Coco L'Acosta y dos carreda ta ser anota pa pone e score final na siete-cero.

Cu esaki e campeonn di Corsow Santa Rosa Argo Indians a sufla nan prome derrota y te cu diasabra tabata posiciona cu tres victoria y un derrota.

Numeritonan final di e encuentro di diasabra:

Heinekens: 7 carreda, 12 hit y 1 error, Mior bateador S. Bryan cu tres hit den cuater oportunidad y e pitcher ganador a resulta e formidable Sam Jacobs tirando 13 ponche.

Argo: 0 carreda, 7 hit y 2 error. Mior bateador tabata Pong Brooks di 4-2. Pitcher perdedor a bira Alvin (Jo) Peters cu awor tin record di 2-1.

Tambe nos por a mira actuacion di e umpire Roberto Olivo como chief-umpire. Un umpire venezolano cu tin no menos cu 27 anja di experiencia como arbitro di baseball. Durante su actuacion el a demostra claramente cu e conoce su trabao y tambe empujnan di Corsow por a mira hopi cos cu nan no ta hasi, y esnan cu kler por acepta nan como un les cu nan a hanja y no solamente esel, sino tambe aplica nan, di manera cu nos baseball pa loke ta disciplina lo bal muchu mas dilanti.

Prome cu e wega el a yama e dos managernan di e respectivo equiponan y mustra cu decision di strike y bola ta na su encargo, y cu decisionnan di e otro umpirenan na base tambe mester ser considera como esun correcto.



Umpire Roberto Olivo diadomingo mainta tabata masha activo, y aki el a caba di canta un out di interferencia den un hugada di doubleplay.

Umpirenan di Corsow hopi blaha ta papia cu e hungadornan su dirigente, mustrando cu e unico pa asunto di strike and balls ta e chief, pero den mayoria caso esaki no ta sosode. Publico tambe a mustra masha calmo, no tabatin reclamo, pasobra ta

en busca di e plato bek, ya cu den e prome intento el a faya di hasi esaki, catcher Sanin Daou ta hasi e tag pa pone e corredor out y Jimbo Philip, reaccionando cu e corredor a bini pa pisa e plato bek ta canta out. E hungadornan ta rabla masha tantu, huzgando cu umpire, den e prome instante a canta safe y despues ta cambia su decision pa out. Esaki ta un cos cu por sosode. Si e hungador a pasa normal sin bini bek pa pisa e plato e carreda lo a keda valido, pero como el a bin un segundo blaha esaki a causa cu su equipo a ser perhudica cu un carreda loke mester a manda e wega extra inning o quizas hasta Heinekens por a gana.

Tabatin hungadornan cu a reclama cu nan no ta rabla pa e out ni e hugada, sino cu umpire a cambia su decision. Si el a canta out OK, y si el a canta safe tambe OK, pero no cambia decision.

E dos equiponan, principalmente e dos pitchernan ta keda domina e bateadornan adversario y te den cierro di tercer inning Argo ta anota e prome carreda di e encuentro. Despues di tira dos ponche, Pong Brooks ta hanja base por bola y ta sigi pa segunda riba un mal lansamentu di pitcher Bryan.

Jozef Martina ta cuminsa su batasonan potente ora e conecta tremendo triple den rightcenterfield pa empuja Brooks for di segundo y duna su equipo Argo ventaha di 1-0.

E campeonn di Corsow ta sigi domina y den quinto inning ta bal mas dilanto ora e anotacion bira 3-0. Paulina ta faya pa e prome out cu a bira automatico cu rolling den man di tercera base Gaby Illidge.

Hitnan back to back, pa Argo ta cuminsa. Coco ta habri cu sencillo y ta yega segunda riba un balk, Charles Ponson ta defende su propio causa conectando di hit. Pong Brooks ta aumenta su promedio di bateo pegando doblete empujando Coco L'Acosta, Jozef Martina ta ricibi cuater bola pa yena e tres skinan, Eddy Daou ta aplica un hugada stranjo, ora e toca pa foulball cu dos strike pa bira un automatic out, Sanin Daou, ta ser camina pa primera y un carreda ta produci.

Victor Elhage ta termina e rally conectando di rolling pa tercera.

CONTINUACION RIBA PAG 4.



Compañeronan di Ramon Buckley ta wardela pa dunele un cordial pablen pa e bataso di cuater base cu el a caba di conecta.

Sam Jacobs domina e hungadornan di e campeonn di Corsow. Despues di dos ponche Vorst y Ellis ta conecta incogible, Gaby Illidge ta sigi cu tremendo doblete empujando Vorst y Ellis pa e dos carredanan di Heinekens.

Bryan a goza e batazo di Illidge y ta conecta di hit pa e tercer carreda, Freedom ta conecta e di cinco hit consecutivo contra pitcher Jo Peters, Buckley ta yena base ora e worde golpea y Haynes ta termina e rally conectando fly den centerfield.

Despues di dos out, Jozef Martina y Sanin Daou ta conecta hitnan back to back pero Victor Elhage ta faya cu force out.



E hungadornan di Heinekens a keda tristu y decepciona ora cu umpire Jimbo Philip a cambia su decision. Mas atras e numeroso fanaticonan cu a bal presencia e encuentro.



Chu Paulina ta yega primera, pero tarde. Primera base a hasi su trabao caba. Paulina a resulta out.

PAPA TA HASI PREPARATIVONAN PE ULTIMO PERIODO DI SESIONNAN DI CONCILIO ECUMENICO PA MANJAN

CIUDAD DEL VATICANO--UPI--Papa Paulo VI ta hasiendo toquenar final ne preparativonan pa inauguracion di e cuarto y ultimo periodo di sesionnan di Concilio Ecumenico, hecho cu mester tuma lugar manjan, diamars, den Basilica di San Pedro cu asistencia di mas o menos 2,500 prelado y numeroso observador di otro religionnan.

Den Historica Asamblea Eclesiastica nan a trata li documento di Iglesia Catolica cu tin gran trascendencia pa mundo moderno, y nan ta kere cu Concilio lo termina su labor promer cu Pascu proximo.

E Sumo Pontifice lo dirigi un mensahe den un brillante ceremonia inaugural, y atardi el lo encabeza e preladonan participante den un procesion di penitencia pa Roma.

Ora cu e desaparecido Papa Juan XXIII a fija e meta di e actual Concilio pa 1959, y a keda defini pa e frase: renovacion di Iglesia. E decretonan cu lo abor da e Concilio ta consisti di diverso temanan cu ta bai for di libertad religiosa te na e papel di Iglesia Catolica den tempunan presente.

Concilio a termina su trabao riba cinco documento cu a ser presenta na su consideracion, y cual ta señala orientacionnan nobo pa gobierno di Iglesia y ta sinti pa tatanan pa relacionnan cu e otro

cristiannan, veneracion y uso di medionan di comunicacion.

Den periodonan anterior, e cuestion di reforma a tropeza cu resistencia di e elementonan conservador, causando friccion y perspectiva di cu e ambiente di tension por prevalece awor.

E concilio lo reuni cinco dia pa siman, y lo celebra su promer sesion di trabao diarazon proximo. Orden di dia ta señala cu e tratamiento di e declaracion riba libertad religiosa cu grupo conservador a impedi pa ser pone pafor di votacion anja pasa.

Den circulanon di Concilio ta existi cierto ansiedad riba e versionnan riba preparativonan di e iabornan di Asamblea y tercer Enciclica di Papa "Mystrium Fidei" (Misterio di Fe) cu a ser emití diasabra ultimo.

Den Enciclica, e Pontifice lo formula un advertencia tocante voznan perturbador, di e reformanan di e Concilio, "manera si cualque hende por permiti nan di relega e doctrinan cu a ser definí pa Iglesia na olvido"


Especialmente preocupa pa e reto ne dogma di e presencia rela di Cristu den Eucaristia, e Pontifice ta adverti cu nan mester evita "e peligro grave cu tal opinionnan ta crea ne Fecorrecto".

E versionnan di cu si nan pidi Concilio modifica redaccion di e documento den cual nan lo rexonera e judionan manera pueblo, tambe tabata causa di contraversia akinan.



WILLEMSTAD,--Den un encuentro hopi anima y den presencia di un publico hopi grandi, e muchanan baricageel di SUBT a vence nan huespednan di Aruba, RCA, campeon di Antillas cu e score di 3-1. Riba e foto aki keeper di RCA en vano ta bula pa trata di salba un di e tres golnan. Esaki tabata e prome di e tresnan. Otro exito pa Subt logra bao di direccion di Matrona.

BUCHI ROBES



PEPITA



Cantante Streisand a hanja trofeo Emmy ayera nochi

NEW YORK--UPI--E cantante Barbara Streisand y e comico Dick Van Dyke a hanja ayera nochi trofeo "Emmy" di academia di television, ora cu nan a ser designa como e dos mehor artistanan di television na Merca durante anja 1955-56.

Van Dyke lo hanja e premio pa di dos blaha, ya cu anja pasa tambe el a gane.

Director di orkestra Leonard Bernstein y e esposonan Alfred Lunt y Lynn Fontanne, cu ta actua huntu como artistanan dramatico, tambe a hanja premio den nan categoria respectivo.

Suzanne su bida romantico

"Y bo sa mira e amigo di school ey?" Barbara ta sonrei. "E ta traha na e hospitaal aki." "Akinan?" "Si. E tin gana di bira dokter" Miller ta sinti irrita. E ta zará pasobra Barbara su hendenan ta preocupá masha poco cu né, tambe riba e joven desconocido cu ta laga Barbara comprende su situacion mas ainda, y tambe riba Barbara pasobra e no ta sospecha mes, cu kizas e mucha homber por ta gusté. Wel, un hende mester bisé, cu...

bo ta ricibi mucho bishita cu ta cansabo tambe." Lentamente Miller ta lanta para. E ta keda mira e mucha homber cu un mirada, cu ta muestra claramente ki sentimento e tin. "Ami ta e dokter di senjorita Holtofer. Pesei mes mi sa, cu mi no por cansa mi patient di mas. Ora cu e otro joven a traha un cara asombrá, Miller a comprende mesora, cu e joven no a bisa asina directamente pé. Barbara ta dicidi pa interveni:

"Ulrich ta preocupa pa mi. Nos conoce otro for di tempo di school y....Wel?" Barbara su cara ta bira pálido. Desampará e ta habri su dos brazanan, pero na un manera bruto Miller ta bira bay bek na e porta, y ta seré un poco duro di mas. "Ta ki mishí boso cu né?"

Ulrich Merten ta puntra, sacudiendo preocupá su cabes. "E ta e Don Juan di mas grandi den e barrio aki, y é boso tin como boso dokter di cas? Si ami tabata tata di dos jiu muhe bunita..." E no ta mencioná e medidanan di pre-

ocupacion cu e lo tuma den e caso aki, y na lugar di esey, e ta sonrei. "Wel, mi ta dunabo razon, cu e tin bon tipo. Tambe cu e ta bisti masha elegante, pero tambe cu e por hunga bon rol di playboy y sportman! Pero e tambe sa esey y ta pesey mes e ta actua cu culdao." "No sercanos," Barbara ta contesta serio. "Hamas ami lo por tin algo cu dokter Miller, y Suzanne mi ruman tin su propio tristeza."

"Tende Barbara," Ulrich ta bisa, mientras e ta cay sinti riba e stoel cu Miller a hala pegá cu e cama. Envano e ta busca e mirada di su amiga di school.

Pero Barbara ta dirigi su mirada riba e muraya blanco. E ta coy Barbara su man tene, y ora cu el a mira e reenchí e ta sonrei. "Bo ta corda con nos tur dos a worde saca for di les di gimnastiek?" Barbarata admittí. "Esey tabata promé blaha, cu mi no mester a keda sinti mi so riba banki. Te cu bo a pidimi pa nos bay ferlauntu." Exactamente, pa mi, e situacion tabata

nobo y descustumbrá. E dia promé, mi a bay consulta dokter, y esey a trece na cla, cu mi ta sufrí di mi curazon. Y ta pesey mi no por participa den iesnan di gimnastiek, y mi a bay para bandi bo." "Pero bo a drecha hopi."

"Pero no na un manera indifere-rente." "Ta un reproche esey ta?" Porfin Barbara ta kita su bista di e muraya y ta drey miré. "Miho nos jamé principio di un pregunta. Pakiko bo ta acepta bo destino na un manera asina indifere-rente, Barbara?" Barbara ta keda miré duro y investigador den su cara, manera cu ta pa promé blaha cu e ta mira e homber aki su cara. Despues e ta cuminsa hari cu bofon. "Kiko bo kier pa mi haci? Bo kier pa mi cuminsa grita, jora hamber di envidia riba otro hende salud? Of kiko bo kier mi haci?" "Coy loco" Ulrich ta contesta y ta dal man na su frente. "Mescos cu mi." "Mescos cu bo?" Di repente Barbara ta sinti su lipnan ta birando seco. "Mescos cu bo?" e ta bolbe ri-

piti, y den su wowonan ta aparece un brillo, cu ta pone Ulrich lanta for di su stoel y bay para na ebentana. "Mi mayornan Barbara, tabata mesora di acuerdo pa un dokter operami, maske nan tabata sa, cu ta un operacion peligroso. Pero awor mi ta masha gradecido na nan. Pasobra sino lo mi ta sinti cualkier caminda, sin por haci nada." Pero abo tabata tin un chens ainda, Ulrich" E brillo di speranza den Barbara su wowonan a desaparece.

"Abo tambe tin un chens. Mi a tuma algun informacionnan necesario cerca algun profesor y mi a cumpra algun literatura necesario. Si nan por drecha bo pla completamente, mi no sa. Pero promé bo mester laga nan dunabo un bon check-up y laga nan tuma potret di bo. Na Hamburg tin un especialista masha sabíden semehante operacionnan. Si ami ta na bo lugar Barbara, lo mi purba toch. Ainda no ta laat. Segun bo crece, e dificultad ta bira mas grandi."

E ta sigui.

MP-KIRBY

Agente exclusivo di

FRIESCHE VLAG

lechi evaporado y lechi en polvo

MAXWELL HOUSE KOFFIE.

pa cortesia di:

JAN BODEGOM & CO (ARUBA) N.V.

DICK TRACY

presenta pa cortesia di:

VICTORIA BOTTLING COMPANY
PEPSI-COLA --- SEVEN UP --- GRAPETTE-KIST --- VICTORIA SODA WATER --- BUFFALO ROCK --- GINGER ALE

CISCO KID

pa cortesia di:

ARUBA BOTTLING COMPANY
NESBITTS den varios sabor, e refresconan mas pidi y mas gusta na Aruba.


Fecha pa pone fin ne deliberacionnan di Asamblea Eclesiastica no ta fija

CIUDAD DEL VATICANO -- UPI -- Cardenal Julius Döpfner, arzobispo di Munich, Alemania, y miembro di e comision coordinadora central di concilio ecumenico a bisa awe cu "fecha no a ser fija pa pone fin na e deliberacionnan di e historica asamblea eclesiastica, pero cu lo e termina ora cu esaki caba realmente. Esey lo por ta "promete cu navidad", el a agrega.

E cardenal a anuncia un conferencia di prensa na e prensa di concilio den centro di informacion.

E cardenal a añadi cu "ecuarto periodo di sesionnan di concilio lo ta definitivamente e ultimo. E asuntonan di trata ta den tal forma cu e tarea por ser terminada prome cu proximo navidad".

El a sigui bisa cu un di e documentonan mas debatí entre presentadonan na consideracion di concilio, e declaracion riba libertad di credo, lo ser tratá diarazon como prome punto di

orden di dia.

Döpfner a informa asimismo cu e concilio lo celebra cinco dia pa siman na principio pero cu mas adelante tal vez e lo hacie tres dia.

E otro temanan di orden di concilio ta oficialmente lo siguiente: riba papel di iglesia den e mundo moderno, riba ida di e sacerdotenan y riba nan misionnan.

E comision central coordinadora ta reuniendo pa ultima e detallenan relaciona cu e temario y e desarrollo di concilio, cu lo ser inaugura mañan.

RADIO KELKBOOM

7.00 Opening
7.02 Bon dia cu Alegria
7.30 Noticia Internacional
8.00 Seleccion Musical cu disconan Latino Americano
8.30 Cumpleaños Feliz
9.00 Noticia Social
9.15 Peticion Musical pa Telefono
10.00 Noticia Internacional
10.05 Musica Varia
10.30 Programa di N. Habibe Jr.
11.00 Noticia Internacional
11.05 Musica Norte Americana
11.15 Musica Antillana
11.30 Musica Vari a
12.15 Noticia Internacional
12.30 Musica Norte Americana
12.45 Noticia Local

1.00 Variacion di Ritmo Latino
1.30 Mel ora cu Boleros
2.00 Noticia
2.05 Novela
2.30 Peticiones
3.00 Noticia
3.15 Ritmos di Caribe
3.45 La Macorisana & Internacional Supermarket
4.00 Musica cu sabor Azteca
4.30 Noticia Local
4.45 Cocktail Musical
5.00 Musica Varia
6.00 Noticia Deportivo
6.15 Musica Varia
6.30 Musica para la cena
7.00 Musica Hulandes
7.45 Musica Norte Americano
8.15 Novela
8.45 Musica Varia
9.15 Verzoekplaten Programma
9.45 Musica Varia
10.00 Sluiting.

RADIO ANTILIANA

1.30 Apertura y Oracion
1.35 Manianita Arubanas
1.45 Melodias di Wild West
6.10 News in English
6.30 Noticia na Papiamento
7.00 News in English
7.30 Noticia na Papiamento
7.45 Programa di Jule Nieuw
8.00 Espacio pa un Ritmo Criollo y un poesia
8.10 Variedad Musical
8.30 Musica y consejo dedicana tur nos amigonan automovilista
9.00 Noticia na Papiamento
9.15 Musica Norte-Americano
9.30 Mejico cantando via Radio Antillana
10.00 Intermedio Musical
10.10 Noticia na Ingles
10.20 Programa di La Macorisana & International Super-

markets
10.40 Momento di Ritmo
11.00 Tur dia otro programma
11.00 Musica Colombiana
11.15 Voznan Popular
12.00 Oracion di merdia
12.03 Seccion Informativo
12.20 Noticia na Papiamento
12.30 News in English
12.45 Capsulas En Orbitas alrededor di Mundo Deportivo
1.00 Noticia na Papiamento
1.20 Fiesta Calypso
3.00 Musica Norte-Americano
4.00 La Esperanza y su Obsequio Musical
4.30 Variedad Musical en Complementaciones
5.00 Noticia na Papiamento
5.30 Calypso Rama - Budweizer
5.45 Musica Chevere
6.00 Variedad Musical
6.15 Musica Colombiana
6.30 Noticia na Papiamento
6.45 Variedad Musical
7.00 Felicitaciones y Complaciendo eticiones
7.45 Programa di Jule Nieuw
8.00 Programa di Club Bonaireano - Club Surnam
8.15 Continuacion di Fel. y Compl. Peticiones
8.30 Reddy Kilowatt
9.00 Desfile di Exitos
10.00 Anioranzas
10.30 Impacton Musical
11.00 Melodia y Romance Musical
12.00 Clausura

RADIO VICTORIA

A.M.
6.00 Apertura & Musica di Banda
6.15 E Bijbel Habri
6.30 Ultimas Noticias
6.45 Peticiones

POR CUMPRAR ARUBAANSE COURANT NA E SIGUIENTE LUGARNAN:

NA ORANJESTAD:
BOEKHANDEL MARISKA.
PIET SODA FOUNTAIN.
REFRESQUERIA INGRID

NA SAN NICOLAS
NICOLAAS STORE
UNION STORE.

7.00 La Biblia Abierta
7.15 Noticias Español
7.25 Llamada a la Conciencia
7.30 World News
7.45 Christian Emphasis
7.50 Bo Musica Favorito
8.15 El Camino de Victoria
Joyas del Hogar
8.30 Ultimas Noticias
8.45 El Pan de Vida
9.00 Mundo Femenino
Gymnasia
Joyas del Hogar
Canta Leo
9.15 El Sendero de Vida
Canticanos di Evangelio
Corazon a Corazon
9.30 Morning Melodies
10.00 The Bible For You
10.05 Band Music
10.15 Organ Melodies
Thoughts on Home
Sacred Songs
Gospel Bells
Sacred Classics
10.30 Through the Bible
Songs That Touch
The Heart
11.00 Chapel of the Air
11.15 Delicados Pastos
Canticanos di Evangelio
11.30 Melodias di Merdia
12.00 Ultimas Noticias
12.15 Musica Sagrada y Meditacion
Sacred Music & Call of Calvary
12.30 World News
12.45 Quiet Time
1.00 Radio Concert Hall
2.00 Reading Room
Hour of Decision (repeated)
2.15 Quiet Hour
2.30 Dr. Barnhouse and the Bible
Bible Study Hour
3.00 Ensueños Musicales
3.30 La Hora Bautista
Control Central
Bo Pregunta Contesta
Prosa Y Poesias
Vida Nueva
Titanes de Fe
3.45 Academia Cristiana
Melodias del Alma
4.00 Musica di Banda
4.15 Ultimas Noticias
4.30 Listening Post
Fun With Music
4.45 Sailor Sam
Muchanan pa Cristo
Children's Gospel Hour
Fun With Music
-Music BOX
Hobentud Pa Cristo
5.00 Vertel Uurtje
Canta Leo
E Ora Aventuroso
Melodias del Alma
Informacion di Gobierno
5.15 Palabranan di Bida
5.30 Ecos del Cielo
La Voz del Evangelio
5.45 Musica Sagrada
6.00 Nederlands Nieuws
6.15 De Groene Welde
Christelijke Liederen
Christus tot de Volkere
der Aarde Gebracht (herhalend)
Voor Zijn Glorie
Windows on Holland
6.30 World News
6.45 Lago Hour
Baptist Hour
Miracles
Musical Interlude
Haven of Rest
Issues in the News
7.00 Organ Hymns that Inspire
Sacred Songs
7.15 Off the Record
7.30 Miracles and Melodies
Bible Time
Light and Life Hour
Haven of Rest
Unshackled
Showers of Blessing
7.45 Psychology for Living
Look Up and Beyond
8.00 Musical Gems
8.30 Back tot the Bible
9.00 Klassieke Muziek
9.15 Dagsluiting
10.00 Sign Off

De Veer: 8.30 p.m. "How The West Was Won" all
Rialto: 8.00 p.m. "El Tesoro Del Rey Salomon" 18 j.
Principal: 8.00 p.m. "The World of Henry Orient" 18 j.
Aurora: 8.00 p.m. "Yo, el Mujeriego" 18 j.
Savaneta: 8.00 p.m. "De Derde Man" 18 j.